

मार्निंग डोगरी न्यूज बुलेटिन, समें. 09.20 Hrs

<><><><><><>

Headlines

1. उपराज्यपाल मनोज सिन्हा होरें इक उच्ची सतह दी बैठका च जम्मू-कश्मीर च प्रधानमंत्री टी.बी मुक्त अभियान दी अमलावरी बारें समीक्षा कीतीं
2. मुख्यमंत्री उमर अब्दुल्ला होरें आखेआ ऐ जे संभावित बर्फबारी दे मददेनजर केंद्र शासित प्रदेश च स्यालै आहले सैलसफा च बाददा होने दी मेद ऐ।
3. पल्स पोलियो अभियान-2025 दे तैहत अज्ज जम्मू-कश्मीर च 19 लक्ख थमां बद्द बच्चें गी पल्स पोलियो दी बूदां पलाइयां जाडन।
4. इशाक अहमद नै रूस्तम-ए-जम्मू-कश्मीर दा खिताब अपने नांs कीता, खेद मंत्री सतीश शर्मा होरें विजेताएं गी सम्मानित कीता।
5. ट्रैफिक पुलिस नै जम्मू-कश्मीर च संभावित बर्फबारी ते बरखा गी दिखदे होई इक तफसीली सलाह जारी कीती। जम्मू-श्रीनगर राश्ट्री जरनैली शिड़क पर हौली गड़डियें गी दौनें बकखी आओजाई दी इजाजत ऐ।

<><><><><><>

उपराज्यपाल मनोज सिन्हा होरें जंदे रोज इक उच्ची सतह दी बैठका च जम्मू-कश्मीर च प्रधानमंत्री टी.बी मुक्त भारत अभियान दी अमलावरी बारे समीक्षा कीती। उनें टी.बी दे खात्मे लेई केंद्र शासित प्रदेश प्रशासन दी बचनबद्धता गी फही पक्का कीता ते मामलें दे पूरी चाल्ली विश्लेषण, इलाज दे नतीजें ते अंतर विभागीय तालमेल दी जरूरते पर जोर पाया। उपराज्यपाल होरें सेहत विभाग ते जिला प्रशासनं गी निर्देश दिते जे ओह जांच च बाददा करन, कमजोर तबकें दी गिनतरी गी तरजीह देन ते घर-घर जाड़यै जागरूकता अभियान चलान। बैठक च दस्सेआ गेआ जे जम्मू-कश्मीर नै इस कार्यक्रम दे तैहत 99 फीसद आबादी तगर पुज्ज बनाई ऐ।

<><><><><><>

CM-Snowfall

मुख्यमंत्री उमर अब्दुल्ला होरें प्रशासन गी हिदायत कीती ऐ जे ओह जम्मू-कश्मीर च संभावित बर्फबारी दे मददेनजर लोड़चदे जरूरी सारे इंतजाम करिए रक्खन। उनें आखेआ जे इनें तरीकाकारें दा आंकलन ते बर्फबारी दे शुरू होने मगरा गै कीता जाई सकदा ऐ। मीडिया कर्मिण कन्नै गल्ल करदे होई मुख्यमंत्री होरें आखेआ जे खिते च मते चिरें थमां खुश्क मौसम बने दा ऐ जेदे करी पानी दी कमी ते प्रदूषण च बाददा होआ ऐ। उनें आखेआ जे बरखा ते बर्फबारी हवा दी गुणवत्ता च सुधार करोग। उनें गलाया जे संभावित बर्फबारी दे मददेनजर केंद्र शासित प्रदेश च स्यालै आहले सैलसफा च बाददा होई सकदा ऐ।

जम्मू-कश्मीर प्रदूषण नियंत्रण कमेटी दे अध्यक्ष वासु यादव होरें आखेआ जे दिसंबर महीने च अजें तगर हवा दी गुणवत्ता सरगंधी सूचकांक च सभनें थमां मती 134 आंकी गई ऐ जेड़ी जम्मू गी दरम्याने दर्जे दे प्रदूषण आहली श्रेणी हेठ आंदी ऐ।

<><><><><><>

Dar-Nagrota

राई-बाई दी पैदावार सरबंधी मंत्री जावेद अहमद डार होरें नगरोटा जम्मू च ब्लॉक विकास कौंसल दी ईमारत दा उद्घाटन कीता। इस मौके पर बोलदे होई मंत्री होरें जमीनी सतह पर बेहतर ते कारगर प्रशासन उपलब्ध करोआने, बुनियादी ढांचे प्रति सरकार दी बचनबद्धता फही दोहराई। उनें आखेआ जे नमी सुविधा कन्ने लोके तगर सेवाएं दी पुज्ज बदोग, ग्रामीण विकास च गति थहोग ते प्रशासन लोके दे होर नेड़े आई जाग।

<><><><><><>

Pulse-Polio

राष्ट्रीय टीकाकरण दिसव 2025 तैहत पल्स-पोलियो अभियान जम्मू-कश्मीर च अज्ज यानि 21 दिसम्बर थमां शुरू होआरदा ऐ। इस दौरान 5 बरे तगर दी उमरी दे 19 लकख थवां बद्द बच्चे गी पोलियो दियां बूदा पलाइयां जागन। एदे मगरा 22 ते 23 दिसम्बर गी घर-घर जाइयै बूदां पलाने दा कार्यक्रम ऐ तां जे कोई बी बच्चा खुंजी नैई जा। अधिकारियें दस्सेया ऐ जे एहदे लेई 10 जहार 993 बूथ कायम कीते गे न ते 518 गश्ती दल बी लाए गे न।

<><><><><><>

खेड मंत्री सतीश शर्मा होरें कल अंतरराष्ट्री दंगल, रूस्तम-ए-जम्मू ते कश्मीर दे खिताब आहली प्रतियोगिता दे जेतुएं ते प्रतिभागिं गी सम्मानित कीता। इस सरबंघै च एम.ए स्टेडियम च कार्यक्रम होआ। मुख्य भरै दे अलावा बाहरले मुख्यें दे पहलवानें बी एहदे च हिस्सा लैता। इशाक अहमद होरें रूस्तम-ए-जम्मू ते कश्मीर दा खिताब जित्तेआ। जिसले कि अमीर खान उप विजेता रेय। दलेर खान ते सद्दाक जगनसू त्री थाहर पर रेय। तोआई अंतरराष्ट्री दंगल प्रतियोगिता दिनेश नै जिती जिन्नै रूस दे खडारी गी हराया।

पंजाब दे लक्की कोहली गी ईरान दे खडारी हामिद नै मात दिती। डोडा दे पहलवान नदीम नै ईरान दे इरफान गी हराया ते जम्मू दे पहलवान अर्जुन नै ईरान दे पहलवान मोहम्मद गी मात दिती।

<><><><><><>

Tenant Verification Portal

जम्मू-कश्मीर पुलिस नै कराएदारें दी पंछान ते तस्दीक लेई किराएदार पोर्टल दी शुरूआत कीती ऐ। एहदा मकसद हर कराएदार बारै जानकारी लाजमी तौरा पर उपलब्ध करोआना ऐ। आकाशवाणी जम्मू संवाददाता दी रिपोर्ट मुजब इस पोर्टल दी शुरूआत एस.एस.पी जम्मू जोगिंद्र सिंह होरें कीती। इस मौके पर बोलदे होई उनें आखेआ जे एहदे कन्नै अंदरूनी सुरक्षा बेहतर होग ते सुरक्षित माहौल यकीनी बनी सकोग।

<><><><><><>

Weather

भारती मौसम विभाग नै अगले 2 दिनें तगर पच्छमी हिमालयी इलाके च बर्फबारी दी पेशगोई कीती ऐ। मौसम विभाग नै आखेआ ऐ जे अज्ज जम्मू-शमीर ते लद्दाख च बक्ख-बक्ख थाहरें पर भारी बर्फबारी होई सकदी ऐ। विभाग दा आखना ऐ जे जम्मू-कश्मीर दी उच्चियें थाहरें पर हल्की थमां दरम्यानी दर्जे दी बर्फबारी होई सकदी ऐ। मैदानी इलाके च हल्की थमां दरम्यानी बरखा पौने दी मेद ऐ। कल 22 दिसंबर गी टामी-टामी थाहरें पर बड्डे पैमाने पर बरखा ते बर्फबारी होने दी पेशगोई कीती गेई ऐ। तोआई, हुनै-हुनै थहोई दी ताजा जानकारी मुजब डोडा च हल्की बरखा बरा करदी ऐ ते गुलमर्ग ते बारामुला च हल्की बर्फबारी होई ऐ।

<><><><><><>

Traffic Advisory

ट्रैफिक पुलिस नै शनिवारें जम्मू-कश्मीर च संभावित बर्फबारी ते बरखा गी दिखदे होई इक तफसीली सलाह जारी कीती ऐ। इस सलाह च यात्रियें गी आखेआ गेआ ऐ जे ओह जम्मू, रामबन ते श्रीनगर च ट्रैफिक कंट्रोल युनिटें कन्नै शिड़के दी स्थिति बारे जानकारी हासल करन ते सोशल मीडिया पर आधिकारिक जानकारी दी बी पालमा करनं जम्मू-श्रीनगर राश्ट्री जरनैली शिड़क पर दिन दे समें जातरा करने दी सलाह दिती गेई ऐ जिल्लै के रातीं दी जातरा थमां परहेज करने लेई आखेआ गेआ ऐ। मौसम ते जरूरी मंजूरी दे आधार पर जम्मू-श्रीनगर राश्ट्री जरनैली शिड़क, किश्तवाड़-सिंथन-अनंतनाग शिड़क ते मुगल रोड पर हौली मोटर गड्डिएं ते

यात्री गड्डिएं गी जाने दी इजाजत दिती गेई ऐ पर भारी गड्डिएं दी आओजाई पर रोक लाई गेई ऐ।

<><><><><><>

Prog. Announcement

आकाशवाणी जम्मू दा क्षेत्रीय समाचार एकांश राष्ट्री करसान दिवस-2025 दे मौके पर 25एं मिनटें दा इक विशेष कार्यक्रम पेश करोग। इस विशेष प्रसारण दा विशेषार होग 'राष्ट्र गी खुराक देने आहले हत्थें गी सलाम'। इस कार्यक्रम दा प्रसारण मंगलवारें 23 दिसंबर गी दपैहरी 12 बजे कीता जाहग। इस विशेष प्रसारण च स्हाड़े परौहने होडन कृषि उत्पादन ते करसान कल्याण मैहकमे दे संयुक्त निदेशक श्री संजय आनंद, जेहड़े कार्यक्रम दे विशे पर अपने माहिराना विचार स्हाड़े कन्नै सांझा करडन। कार्यक्रम दी मेजबानी स्हाड़े एंकर विजय बजाज होर करडन। इस चाल्ली दे होर सूचना प्रदान करने आहले प्रसारणें गी तुस आकाशवाणी समाचार जम्मू दे मीडियम वेव 303 मीटर यानि 990 किलोहर्टज ते एफ.एम 103 मेगाहर्टज पर सुनी सकदे ओ।

<><><><><><>